

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/09-23-2274/16
Sarajevo, 28.03.2016.godine

Na osnovu člana 64.stav (1) tačka b) najniža cijena, člana 88. i člana 70. stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine, a na preporuku Komisije za javnu nabavku radova Općinski načelnik, d o n o s i :

ODLUKU

o izboru najpovoljnijeg ponuđača u predmetu -
Izvođenje radova na izgradnji podzemnih kontejnera za diferencijalno prikupljanje otpada na području
Općine Novi Grad Sarajevo

I Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na izgradnji podzemnih kontejnera za diferencijalno prikupljanje otpada na području Općine Novi Grad Sarajevo (broj obavještenja 422-7-3-24-8-39/16 objavljen na Portalu javne nabavke 10.03.2016.godine) dodjeljuje se ponuđaču SELA DOO SARAJEVO, adresa Rajlovačka cesta br.31. Sarajevo, čija ponuda je ocjenjena kao prihvatljiva sa ukupnim iznosom ponude 48.786,31 KM sa uračunatim PDV.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Izvještaj o radu Komisije sa preporukom za dodjelu ugovora u spisu.

III Zadužuje se Služba za finansije i zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV Obavezuje se ponuđač iz stava I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) ZJN. Dokazi koje će dostaviti odabrani ponuđač ne mogu biti stariji od 3 mjeseca, računajući od momenta predaje ponude.

Obrazloženje

Postupak javne nabavke pokrenut je Odlukom o pokretanju postupka javne nabavke za Izvođenje radova na izgradnji podzemnih kontejnera za diferencijalno prikupljanje otpada na području Općine Novi Grad Sarajevo br. 02/09-23-2274/16 od 21.01.2016.godine. Javna nabavka provedena je putem Konkuretskog zahtjeva za dostavu ponuda br. 422-7-3-24-8-39/16 od 10.03.2016.godine.

Obavještenje o javnoj nabavci u predmetu - Izvođenje radova na izgradnji podzemnih kontejnera za diferencijalno prikupljanje otpada na području Općine Novi Grad Sarajevo broj 422-7-3-24-8-39/16 objavljen je na Portalu javnih nabavki dana 10.03.2016.godine. Procjenjena ukupna vrijednost za ugovor bez PDV-a iznosi 80.000,00 KM, a sa uračunatim PDV-om iznosi 93.600,00 KM.

Zahtjev za dostavljanje ponuda upućen sljedećim ponuđačima: Kolinvest doo Sarajevo, Gradatin doo Sarajevo i Osdin doo Sarajevo, istovremeno sa slanjem obavještenja na Portal javnih nabavki 10.03.2016.godine, dok su tendersku dokumentaciju preuzeli sljedeći potencijalni ponuđači: Wintec doo Sarajevo, GD konstrukcije doo Mostar, Sela doo Sarajevo, Pet zlatnih doo Sarajevo, Haryson doo Sarajevo, Hadžić-Gradnja doo Sarajevo, Babel doo Sarajevo i ITG doo Sarajevo.

Komisija je blagovremeno i pravilno izvršila javno otvaranje pristiglih ponuda dana 22.03.2016.godine, sačinila Zapisnik o otvaranju ponuda, koje su do utvrđenog dana i sata dostavljene na adresu Ugovornog organa. Isti Zapisnik dostavljen je ponuđaču koji je učestvovao u postupku javne nabavke.

Zapisnikom sa otvaranja ponuda od 22.03.2016.godine Komisija je konstatovala da je blagovremeno i propisno upakovana dostavljena samo jedna ponuda od strane ponuđača: SELA DOO SARAJEVO.

Zapisnik sa otvaranja ponuda dostavljen putem faxesa.

U postupku analize ponuda, Komisija je detaljnim uvidom u pristiglu ponudu, odnosno dokumentaciju, kojom je ponuđač dokazao svoje kvalifikacije za učešće u ovom postupku, utvrdila da je ista blagovremena i propisno upakovana i da ispunjava kvalifikacione uslove koji su navedeni u obavještenju o nabavci i tenderskoj dokumentaciji.

Komisija je izvršila računsku kontrolu i ustanovila da je ponuda ponuđača SELA DOO SARAJEVO računski ispravna i da ista odgovara traženoj specifikaciji.

Komisija je izvršila analizu i ocjenu blagovremeno pristigle ponude prema kriteriju utvrđenom u Obavještenju o nabavci i tenderskoj dokumentaciji (tačka 5.1.tenderske dokumentacije Kriterij za dodjelu ugovora, tenderske dokumentacije -najniža cijena), a shodno članu 64. ZJN stav (1) tačka b), te utvrdila da je ponuda ponuđača SELA doo Sarajevo prihvatljiva, jer ima prihvatljivu cijenu tehnički zadovoljavajuće ponude u iznosu od 48.786,31 KM sa uračunatim PDV.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o otvaranju ponuda i Izvještaj o radu i preporuka Komisije za dodjelu ugovora. Na osnovu gore navedenog, odlučeno je kao u dispozitivu Odluke.


Pouka o pravnom lijeku:

Ponuđač koji je sudjelovao u postupku nadmetanja može radi zaštite svojih prava i pravnih interesa, u roku od 5 dana od prijema pismene obavijesti (odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Ohradila
Enisa Babić, dipl. pravnik

Dostaviti:

1. Ponuđaču- učesnici postupka
2. Služba za finansije
i zajedničke poslove
3. A r h i v i / u spis



Općinski načelnik
mr. Semir Efendić